



MARYMA

Ramhlun North YMA Chanchinbu

“YMA thuvawn: YMA chu tanpui ngaite tanpuitu”



YMA thiltum: 1. Hunawl hman that. 2. Zofate hmasawna ngaihtuah. 3. Kristian nun dan tha ngaihsan

Vol. 44

Issue No. 10

Ramhlun North: Ni 7 March, 2026



BRANCH THU THAR

■ Chapchar Kût inbuatsaihna kal mekah Pu C. Lalhlansanga, V-Sec. leh Dr. Vanlalhlana, Bialtu MLA ten lam zirte refreshment min tum sak a, an chungah RNYMA chuan lawmthu a sawi.

■ Dr. Rohlupuii te chhungkua, C-Sec. chuan an pa Dr. G. Lalthianghlina (Fam) hriatrenng nan Bass Guitar, Sub-Woofers leh Speaker tha zet mai min pe a, RNYMA chuan lawmthu a sawi.

■ Saizahawla Section te chuan ni 6.3.2026 (Zirtawpni) zan khan thlanlah hnatlang an nei a, hnatlangah hian mi 73 vel an thawk chhuak.



SECTION THU THAR

■ Saizahawla leh Taitesena Section te chuan ni 5.3.2026 (Ningani) zan khan Pu C. Rodala in bul kawr tifaan sumtuak hnatlang an nei.

Hnatlang a thawk chhuak zawng zawng chungah Section hruaitute'n lawmthu an sawi.

■ **Khuangchera Section:** Ni 4.3.2025 (Nilaini) khan Section c/m ten Basic Mual mawng lama step leh railing tifa leh rawng hnawihin hnatlang an nei.

■ **Taitesena Section:** Ni 6.3.2026 (Zirtawpni) zan khan Section bungrua enfel hnatlang an nei.



SUB-COMMITTEE THU

■ **Library Sub-Committee:** RN YMA Library Visitor of the Month Lawmman dawng turte:

1. Michelle Vanlalhlamuani - C-Sec.
2. C. Vanlalchhandama - C-Sec.
3. Laldusaki Ralte - C-Sec.
4. Lalrinsangi Ralte - C-Sec.
5. Lalnunhlui Ralte - C-Sec.

Lawmman hi Dar 11:30AM-ah Library-ah sem a ni ang. Lawmman sem turin Pu Rorelliana, Treasurer, RN YMA & OB i/c Lib. Sub-Commt. a ni ang.

■ **Library duty turte:**

1. Samuel Vanlalnghaka, N-Sec.
2. PC Lalrindiki, V-Sec.
3. Lalfelfamkimi, V-Sec.
4. Lalmuanpuii, C-Sec.
5. Lalremruatkimi, K-Sec.
6. Lalhruaitluangi, T-Sec.

KUMPUNAN HAWNNA NEIH A NI DAWN

Ramhlun North, the 7th March, 2026: Kum 2025 YMA Inkawmpui Lian Vawi 75-na chuan kum 2025-2027 chhunga YMA kumpuan thupui atan 'Ruihhlo do' chu lungruat takin a thlang a. Kumpuan thupui atana tum nga (5) thlanna a ni. CYMA in Branch tin te Kumpuan hawnna hun siam tura min beisei angin March ni 10, 2026 (Thawhlethni) zan ah kan branch-in 'Kumpuan Hawnna' nei turin ruahmanna a siam a, a hawng tur hian CYMA President Pu R. Lalnggheta a ni ang. He programme-ah hian Branch Executive Committee, Section Committee leh Sub-Committee Member zawng zawng tel tur a ni a, member ten ngai pawimawh tura beisei kan ni a, eng emaw rokhawlhna avanga tel thei lo tur te chuan ziakin phatna Branch Secretary-te hnenah theh luh tur a ni.

Hun hman dan tur ruahmana chu hetiang a ni:

A hun : March ni 10, 2026, Zan dar 8:30

A hmun : Ramhlun Indoor Stadium Conference Hall (hei hi a remchang lo a nih chuan RSC Field-ah hun hman tur a ni ang)

Chairman: Pu Lalrochama, Vice President, Kumpuan Sub-Comt. Chairman

Hunserh: Pu Lalhriatpuaia, BECM, Kumpuan Sub-Comt. Secretary

Intro & Report: RNYMA Secretary

Kumpuan Hawn: Pu R. Lalnggheta, President, CYMA

Thusawi tawi: Mi pathum tan (5 minutes theuh)

Vote of thanks: Pu Laldingliana Sailo, President, RNYMA

Sound & Special item: Music Sub-Committee

Ushering: Branch Executive Committee Member hmeichhiate

Seat arrange & Re-arrange: Kumpuan Sub Committee

Refreshment: Treasurer & Finance Secretary, RNYMA leh Kumpuan Sub-Committee

Kumpuan bawhzui nan CYMA chuan thahnemngai takin hma a la nghal a, ruihhlo do beihpui thlak nan CADS (Central Anti-Drug Squad) mai bakah ZADS (Zone Anti-Drug Squad) te pawh a din thar a ni. Ruihhlo tawlhruk dotu pawl ni ringawt lovin, ruihhlo vanga nun beidawng tawhte beiseina thar petu leh a la ti lo te an filhim zel theih nana kawng hrang hranga hmalatu an ni bawk. 'Ruihhlo Do' kumpuan chak taka kalpui a nih theih nan Sawrkar, Kohhran, Media leh Tlawmngai Pawl dangte nen thawk tlangin hma an la mek a. He kumpuan hian tleirawl leh thalaite rilruah ruihhlo hlauhawm zia leh kalsan a pawimawh zia tuh nghet tura zirtirna uar zawka kalpui pawh an tum tel a ni.

CHAPCHARKÛT ATANCHERAW LEH KHUALLAM ZIR MEK A NI

Mizo ten a kût kan neih zinga hriat hlauh leh pawimawh ber pakhat, Chapchar Kût chu kumin hian ropui taka hmang turin ruahmanna hrang hrang siam a ni a. March ni 13, 2026 hian Lammual-ah hman tur a ni a, inpuahchahna pawh chak takin a kal chho mek a ni. Aizawl City Branch YMA hrang hrangte Cheraw leh Khuallam entir tura beisei kan nih angin, kan Branch pawhin he kût ropui tak atana hmalakna hi tan nghalin, Cultural Sub-Committee-te ruahmannain hnam lam zir hi kalpui mek a ni. Cheraw leh Khuallam hi ni 20.2.2026 (Zirtawpni) chawhnu atang khan zir tan a ni a, member eng emaw zatin a bul tan nan an zir. Lam zirna kal tur hian hruaituten thahnem an ngai hle a, a thiamsa te phe chu tel ngei ngei turin an ngen a ni.

Central YMA ruahman dan chuan Cheraw-ah hian Branch khatin bu khat tal kan tur a ni a, Khuallam-ah erawh Branch khat atangin mi 20 aia tam lo tur a ni thung. Hetiang lama tui mi kan awm a nih chuan inthlathlung hauh lovin lam zirna hmun hi pan mai tur a ni a; a zat bitukah hian buai lovin, Branch lian kan nih anga member tam thei ang ber tel turin inbuatsaih ila. He hnam lam ropui tak tarlang tur hian member-te kan tan tlan a, YMA taka tlawmngai turin kan insawm a ni.

Lam turte hi February ni 27, 2026 thlang in report theih a ni a, tun dinhmunah Aizawl khawpui chhung atangin Branch 89 vel lam thei tur inhriattir an awm tawh a ni.



Zo Nun Zemawi - Inremna

Kumin Chapchar Kût thupui "Zonun ze mawi – Inremna" tih hi a mawiin awmze thuk tak a nei a. Mizo hnam nun phung leh kan ze mawi hrang hrang kan sawi hian tlawmngaihna, rinawmna leh midang tana malsawmna nih te kan sawi uar hle thin a, mah se heng zawng zawng a vul chhuah theih nana pawimawh tak chu inremna hi a ni. Inremna a awm lohna hmunah chuan tlawmngaihna a par chhuak thei lova, lungrualna a awm lohnaah chuan hmasawmna tak tak a thleng ngai lo. Kan pi leh pute'n lo neih kawng dapa hah taka an tawh lai pawha hlim taka kût an hman theih chhan chu chhungkua leh khawtlang ah inremna leh inlungrualna an neih vang a ni.

Mihringte hian himna leh inremna kan zawn hmasak a ngai a, chu chuan kawng engkimah hmasawmna a thlen thin. Mizo hnam nunah phei chuan inremna hi min phuarkhawmtu leh min vawng himtu ber a ni a. Hnam inpumkhatna tichhe thei zawng ke kan pen apiangin, kan hnam hmel mawina hlih in a awm a, mualphona thlentu a ni thin.

Tunlai khawvel changkang chho zelah hian mahni hmasialna hian kan hnam ze mawi tam tak a hlih khuh fo thin a. He kût thupui hian inngaitlawm tak chung a inremna zawn hi kan mawhphurhna a ni tih min hriat nawn tir se a duhawm hle. Inremna thlen tur chuan tlawm zawk nih thiamna leh midang hrethiam thei tura rilru zau neih a ngai a, chu chu Zonun ze mawi kan tih thin, tlawmngaihna nena inzawm tlat chu a ni. Remna leh muanna a awmnaah inpumkhatna a piang thin a, chu chu ram din nghehna lungphum pawimawh ber a ni.

Kût hlutna tak chu nuam tawh nan emaw nawmsip bawlna chauh ni lovin, kan nihna leh kan hnam rohlu vawn nun hi a ni zawk. Chuvangin, he kût kan hman chhung hian kan thinlungah inremna thupui hi tuh tharin, ram leh hnam inpumkhat nan leh hmasawmna kan neih zel nan kan ze mawi hi vawng nung zel turin theitawp i chhuah ang u.



KHAWTHLIR

ṬIAULUI

Ṭiau Lui hi Lentlang dung bulthut Mizoram lama hnar nei a ni a, Hmunhlui tlâng leh Bapui tlâng bawh velah hnar a nei a. Heng lai tlang bàwm Khuangphah khaw bul vela hnar neia sawi thin a ni.

A hnar lam hi chhim thlang hawi zawnga luang a ni a, chumi hnu chuan Mizoram leh Mynmar inrina zêlah luangin chhim zawngin a luang a. Khawchhak tuipui nen an infin hnuah khawthlang hawi zawngin tawi te a luang a, chhim hawi zawngin a luang leh a. Pang khaw bulah hmar zawnga luang Chhimtuipui nen an infin ta a ni.

Chhimtuipui lui nena infin hi fûr lai chuan a hmuhnaawm hle thin a ni. Chhim zawng a luang leh hmar zawnga luang han intawksir chu en tham a tling a, hmanlai phei chuan hmuhnaawm an ti hle a, a entute chuan haw nachang an hre lo va, nupa tuak sarh lai an inthen phah e, an ti.

Ṭiau lui hi Mizoram leh Myanmar inrinaah 159.39 km laia thui a luang a, ramri lui a nih avângin hriat a hlawh hle a ni. Mizoram leh Myanmar inkal pawhna kawngpui tha takin Champhai bul Zokhawtharah a pal tlang a ni. Mizoram khawchhak lam, Mizoram leh Myanmar nena inrina zela luang a ni. Champhai district huam chhungah mar tha taka chhim hawi zawnga a luan hnuin Champhai District chhim tawp lam Lurh tlâng bul vel a tângin khawthlang hawi zawngin a luang a, Khawchhak tuipui nena an infin hnuin chhim hawi zawngin a luang leh a. Serchhip District chhim tawp leh Lunglei District chhak lam, Cherhluon a tângin Lungpuitlâng thlengin ramri zêlah a hrut a, Lawngtlai District thlen dawnah Chhimtuipui nen an infin ta a ni.

Ṭiau lui hming awmzia leh hming put chhan hi sawi thei an awm meuh lo. Mizoram luih leh Mizo history-ah hian hmun pawimawh tak a chang lawi a; a hming awmzia sawi fiah a har hle a ni.

Mizo lui hmingthang tak takte hi khawchhak lamah Rûn kan ti a, Ṭiau a lo ni leh a. Ṭiau hnuah hian Tui hming a pu leh ta hlawm a, Mizorama lui hming hrang hrangte han chhui chian phei hi chuan Ṭiau lui hming lo

chhuah dan hi hriat fiah a har hle.

Ṭiau lui hian Mizo ṭawng thuah hmun pawimawh tak a luah a, ṭiauchhum, ṭiauhmi, ṭiau lung, ṭiau vut te hi ṭiau luih chauh awm âwm a nih laiin lui dang leh tuifinriat thleng pawhin kan awmtir lawi si.

Ṭiau lui hi lui lian leh hmingthang tak a ni a, hmanlai a tângin tûn hun thlengin Mizote thinlungah hian hmun a chang thuk em em reng a ni. Hriat theih chinah Mizoram lui zingah chuan sei lamah pahnhna a ni a. Tlawng lui dawttu a ni.

Luite pên fintu a ngah em em a, Mizoram leh Myanmar a tângin lui lian pangngai tak takin an fin hlawm a. Chungte avâng chuan a kuang pawh a lian a, hmun thenkhat laiah chuan a khaw rawk em em a, a kam tawn tawnah lengkir sang tak takte a awm hlawm a ni.

A hnar leh a fintu luite a that vângin fûr lai phei chuan a lian thin hle a, dai kai ngaihna awm lo khawpa a lèn chang pawh a tam hle thin. Ṭhalvaekchar lai pawhin lui lian tak a ni reng thin a ni.

A lui luang a chak a, daidul kai hmun loah chuan dai kai a har hle a; chu bakah, a lui a khaw rawk a, lui dung tuana a khaw rawk avâng hian he lui a cheng sangha, chengkawl leh Chakâi thlengin a hang tui bik hle a ni.

A luanna hmun ram hi ram tha hmun a ni a, hmun thenkhat laiah chuan phaia siam tlak hmun zawl ṭah tak tak a awm hlawm a, a hnaih khuate'n leilet (phai) an siam hlawm a ni. A ram leilung a tha a, buh leh balin an ngeih em em bawk.

Hmanlai chuan ṭiau lui hian huai chak tak mai leh thinchhe tak neiah an ngai a, an hlahu thawn thin. ṭiau huai chu a hmulpurh chhiat ang bawka thinchhia a ni a, eng lai pawha lungawi lohna nei ang mai hian a khawsa a; amah hnaih tute chu a duh hunah a la mai thin a ni. A thinrim a sosan chang phei chuan a kiu hian a kiu ruah ruah a, "Ṭiau lui a kiu tawh chuan inven hman a ni tawh thin lo. Mi tu emaw hi an tla ngei ngei thin a ni," an ti.

Ṭiau lui leh Chhimtuipui lui thawnthu hi Chhimtuipui lui chanchin hi ziah a ni bawk a. Ṭiau lui leh Chhimtuipui lui hian sawi dan inhnaih tak, a hranga sawi dawna rem teuh si lo thawnthu an nei.

Govt Chaltlang High School

ADMISSION NOTICE FOR 2026

Class IX & X Admission, school office ah a hnuai mi ang hian hawn a ni ang
3rd March - 13th March, 2026
10:00 a.m - 2:00 p.m.
Additional Courses: STEM Lab, Beauty and Wellness, NCC and IT & ITES
Contact Numbers : 9774016717/
9862593245
Sd/-Headmaster (2-2)

ADMISSION NOTICE (3-2)

**Govt. Republic High School
Ramthar Veng**

March 9, 2026 a tângin Class IX & X admission hawn a ni dawn a, holiday tel lovin ni tin dar 9:30 AM - 1:30 PM chhung hawn a ni ang.
Computer & puanthui a thlawna zirna a awm a, kal hmasa duhsak an ni ang.
Contact : 9862570546 / 8974025369

Editor: Vanengmawia (7085878827); **Jt. Editors:** A. Lalfakzuala, Lalrotluangi Zote, , Henry VL Nghilhlova Zote
Manager: Lalremsanga Hnamte (8974845644); **Asst. Managers:** Zodingliana, Lalrinchhana, Lalrinawma
News Editors: Lalrintluanga, Lalrawntluanga, Andrew Lalmalsawma, Samuel R. Lalmangaiha, D. Lianmanga, Vanalremruatpuia Ralte
Circulation Managers: PB Lalhuapzauva, Samuel Lalhlupua, Hmingthanzuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

ZIN & HAW

- Dr. Joseph Lahmingliana, Asst. Secretary RNYMA chu an nu Maggie Lalmuanpuii check up hruaiin Vellore lamah an zin.
- Pu Lalneihhlua, N-Sec. BECM Saituala zin chu a lo haw leh ta.
- Pu Lalremsanga, N-Sec. BECM Khawzawla zin chu a lo haw leh ta e.
- Pu Lalliantluanga Hauhnar leh a fanu Lalropuii Hauhnar, C-Sec. te chu Vellore-ah inentirin an kal.
- Pu Malsawmthara, K-Sec. chu in check-up Kolkata-ah a kal.
- Pu Lalchangliana, N-Sec. chu Synod Programme-in Ri-Bhoi Synod a zin.
- Pu Lalfamkima, C-Sec. chu Vellore-ah in check-up turin a kal.
- Pu Chris MS Dawngkima, V-Sec. chhungkaw pawimawh buaipuia Lungleia zin chu a lo haw leh ta.
- Pi Rosiami w/o K. Liansavunga (Fam), N-Sec. chu Delhi-ah inentir turin an kal. A fapa KT Thlangdingliana'n a kalpui.
- Pi K. Zomuanpuii w/o RL David Lalnunfela, S-Sec. chu in check-up turin Kolkata lamah an kal.

KOHRAN

- **Presbyterian Kohhran, Ramhlun North:** Ramhlun North Presbyterian Kohhran buatsaihin Agape Camping Center, Durtlang Leitan ah Kohhran camping thawhkhatna neih mek a ni a, mi 75 vel an lut. Camping hi chhawng li neih tura ruahman a ni a, chhawng 1 & 2 na hi Agape Camping Center ah neih a ni ang a, chhawng 3&4 na hi Presbyterian English School ah neih a ni thung ang.
- **Baptist Kohhran:** BCM rorelna sang ber Assembly Rorel chu BCM Bazar Veng Kohhran, Lungleiah nghah niin Ningani zan atangin neih tan a ni. Ramhlun North Kohhran atangin palai turin Bialtu Pastor bakah Upa pasarih an kal a, Ramhlun Pastor Bial Zaipawl te pawhin Ningani zan khan zaia rawngbawlna an nei bawk.
- **Salvation Army:** Arunachal Pradesh Ramthim, Pangin leh a chhehvel tlawh turin Home League member mi 17 chu ni 5.3.2026 (Ningani) khan an feh chhuak.
- SAY member 31 chu Bengkhuaia Khua Sailamah Hiking, Bonfire leh Praise & Worship nei turin ni 6.3.2026 (Zirtawpni) khan an chhuak a, zan khat an riak ang
- **Roman Catholic:** Kumtina kohhran kalphung angin March ni 4 khan kohhran mipui ten Pilgrimage site, Khawruhlian khuaa Kalvari tlang tlawh pahin Kraws kawngzawh an nei. He hunah hian Kohhran mipui bakah chhimtu thahnem tak an tel thei a, lawmthu sawi nan khaw mipui, a enkawl tute hnenah donation hlan a ni bawk.

LEI PIAH LAMAH

C Laltlanmawia, K-64 h/o Liansailovi, C-Sec. chu 2.3.2026 zing dar 07:20 khan a boral a, hemi ni vek chawhnu dar 01:00 ah Ramhlun North Thlanmual, Zemabawk ah vuiliam a ni.



Lusun khawhar chhungte thlamuanti Pathianin vengin awmpui zel che u rawh se.

DAMLO

- Joseph Vanlalruata s/o Tlangthangzuali, V-Sec. chu Aizawl Hospital-ah enkawl mek a ni.
- Pu Lalrothianga, S-Sec. Civil Hospital, Aizawl a awm chu dam takin a lo chhuak leh ta.
- Jared Lalruatfela Faihriam s/o John F. Lalrinsanga, N-Sec. chu Typhoid avangin in lamah enkawl mek a ni.
- Pu Chalhmingthanga C-Sec. chu step-ah a tlu sual palh a, in lam ah enkawl mek a ni.
- Pu Lalhualhima, T-Sec. chu Aizawl Hospital-ah admit a ni.

PAWL DANG

- **Ramhlun North Football Club:** RNFC U-10 & U-12 Football Tournament: U-12 ah team pathum; Kings and Prophets, TMB leh Young Rising Star te an tel a, league a khelh niin a sang pahnih Young Rising Star leh Kings and Prophets ten final an khel a. Final ah hian Young Rising Star ten 5-1 a hnehna an champion U - 12 a mimal lawmman dawng te: Top Scorer - Lalpekhluia (Young Rising Star) Best Player - T.Malsawmtluanga (Young Rising Star) Best Keeper - Jason Malsawmkima (Kings & Prophets) Under 10 ah hian Team 2 an tel a. Little Rangers leh Young Boys te in tumin Little Rangers ten Young Boys te hi 11-8 (Agg) a hnehin an champion. U - 10 mimal lawmman dawngte: Top Scorer - Enok Vanlalpeka (Little Rangers) Best Player - Fredy Zorinsanga (Young Boys) Best Keeper - Lalruatkima (Little Rangers)
- **Ramhlun North Cricket Club:** Cricket Association of Mizoram buatsaih KALKI Under-12 Open Cricket Tournament 2026 khelh mekah Ramhlun North Cricket Club Under-12 te chuan Run 287 siam in Ramhlun Venglai CC U-12 chu Run 252 in an hneh leh a ni. A hma hian Tlangnuam CC wicket 10 in anlo hneh tawh a, SEMI FINAL an lut Chiang tawh bawk. Naktuk hian group match hnuhnung ber Kulikawn CC U-12 nen an khel leh ang.

KEIMAHNI

- Kan manager Pu Lalremsanga Hnamte chu thil pawimawh buaipuiin Lunglei lamah a zin.

LOCAL COUNCIL

- Pu Rothuama Pick-up, kan vengchhunga bawlhhlawh paih nana kan hman thin chu thenawm hnai ten zan lamah bawlhhlawh lo dah mai kan ching thin niawm tak a ni, chhun lamah bawlhhlawh paih turte an indaih loh phah hle a, ching tawh lo turin kan in hriattir e.
- Saizahawla Section-a Pu C. Rodala In bul kawr, bawlhhlawh tlingkhawmin a hnawh chu thenfai a ni. Helai kawr hi kumtin bawlhhlawh tlingkhawm vangin buaipui a nasa thin hle a, bawlhhlawh paih thinte sim tura ngen leh hriattir an lo ni fo tawh thin a, hmasawn erawh a har hle. Helaia bawlhhlawh paih thinte sim tura ngen nawn kan ni a, paih lui kan awm leh chuan hmalatute hmalakna ang ang kan sawisel thei lovang.
- Ruah tui tlak a hnai tawh a, kan luikawrte bawlhhlawh paih nan hmang lo turin kan inngen a ni. Luikawr ping hian harsatna hrang hrang a thlen thin, a tuartu tur chu keimahni tho kan ni tih hriain i fimkhur tlang ang u.

THILDANG

- **Ramhlun Sub-Centre atanga hriattirna leh ngenna:**

Vengchhunga a Sub Centre Population Census, chhungtin ten kan lo fill up tura kan rawn sem kha, la thehlut lo leh la fill-up ve lo emaw, lo pek hmaih palh te kan awm a nih chuan khawngaih taka Ramhlun Sub-Center ah rawn thehlut/rawn fill-up turin kan in ngen e

- **Insawn:** Tv Lalmangaihsanga te unau, Pu Kawlnithanga (Fam), C-Sec. te in atangin Pu R.Lalsangliana, C-Sec. te inah an insawn.

LAWMAWM

- T. Zothansanga s/o Pu K. Neihkapa leh R. Vanlaltanpuii, Kolasib Diakkawn te chu ni 6.3.2026 khan Ramhlun East Presbyterian Kohhran ah an innei.

PINECREST ACADEMY
(CBSE)

Under Podar Curriculum Consultancy

ADMISSION OPEN 2026
Confident Readers Begin Here at Pinecrest Academy!

"Strong Readers Begin at Age 4"

CAPTION :
At Pinecrest Academy, we build strong foundations from day one.

- Structured Early Language Learning – Phonics & reading introduced from age 4
- English & Hindi Foundations – Children gain confidence in both languages
- Activity-Based Learning – No heavy textbooks, just fun, effective engagement
- Safe & Consistent Environment – A sanctuary where children thrive
- Individual Attention – Every child's growth is measurable and celebrated

Prospectus and Admission Forms Available at the School Office

Parents who value long-term learning and strong foundations trust us to guide their children.

Limited LKG Seats – Admit your child Today!
☎ : 9862498006 / 7005179903 / 96122 28475



MODERN COWBOY

- MSA Khawlhing, K-Sec.

John Wayne-a chuan a khêla a pistol pai chu a en zauh a, a hmaa mi tawrawt pahnih te chu amah thah ngêi tumin an ding tih a hai lo. An inhma chhawn tê tê a, an inkâr chu pên 20 lo liam a ni lovang. A dinglam sîra mi chu Blonzo niin a veilam ami chu Aus-tin-a ni thung.

Khuavâng kallâi...

Thâwm a reh vung vung a, sana chek rî pawh a ring hle tih tur khawpin a reh a, chutah dâr 11:10am leh second 10-na chiaha chuan John-a kut aţanga a pistol rawn eng de zawk chuan a hmâa mi pahnih ding te chu an âwmah fuhin an te thawt a, tual chârah chuan khu rum rum khawpin an thal ta dêr mai.

Cowboy nun...

Chutiang ang "cowboy" thawnthû bu kan chhiar lâi hunte kha an liam a, a ngaihawm thîn. YMA library ami kan hawh a ni nghe nghe. A bu tâwp lam pheh a tla tawh lehngal. A ngaihawm tûr lâi tak a ni asin le, kan ui." chuan a puakruk chu rang lutuka phâwiin a....." tih chin zawng kha, a va uiawm tak. A bâk zawng phêk a tla, tûte tih tlâk nge hriat ni suh.

Chuan YMA hi...

YMA lungphûm lairil pawimawh "tlâwmngaihna" hi a mawi a, a la mawi zêl dawn bawh. Sâptawng pheh chuan thumal pakhat hian a hrihfhiah zo lo. Chuvangin cowboy nun nen pawh a inang viau. Mahnî ralna hmun a ni ber.

Le..tûnlâi hian...

Tûnlâiah chuan hmun thenkhatah a letling thawkin kan hmang tâ. Dik lo zâwk leh thiam lo zâwk kha intihthiam loh nîkhuain tam zâwk nih an chhuang a, thlavàng hauhtû an tam tih avâng chauhin an huaisen a, an 'tlâwm ngâi' ta hlauh a, tlâwm thiam lovin an 'tlâwm ngâi' a ni ber. Tlâwmngaihna nêh chuan a inpersan ta daih. "I talhtum leh i tiangin min thlamuan thîn a ni," (Sam 23:4) tih bible-in min hrih chu a letlingin an hmang ta hlauh a, chumi chang châwi chuan thudik chu sîrah an hnâwl a, an pal thlû a, tharum an hmachhuan zâwk ta thîn a. Hetiang ni lovin khawtlâng tâna thlamuanpui tham ni zâwk ang che. Khawtlâng mi awm tha duh lo leh kawhmawh bâwl ching thenkhatin YMA Hruaitûte dem leh cho ching an awm. Hei vâng hian ram leh hnam humhalh chu hla fêah a awm tawh thîn. Thu dika huaisen taka beih nêh a inang ta lo. Thudik loa huaisen tak, thudik ni sî a meikhup leh zûl zûl hi zoram fahrawn an ni duh khawp.

Cowboy ni lovin "hau-boy"

Tunlâiah chuan thalai thenkhat an fel em em rualin a tam zâwk hi chu kut hnathawh ngaisàng lo tàwk vela changkàng an ni àwm asin. Nu leh pàte pawh kan inenfhiah a ngâi hlê. Cowboy ni lova "hau-boy" ni mai àwm an ni, hauh-bûr, hauh ngâi an ni mai lo màw? Hmeichhiate pawh an bang lo. 'Ei lama ka u, thawh lama ka nau,' an ni mai lo màw? Arpui sente thawnthû kha kan hre theuhin a rinawm. "Buh hi tuin nge tuh ang?" A tih khan tu mahin "Keima'n le," ti pakhat mah an awm lo. A seng a, ei a lo hun a, "Buh hi tu in nge ei ang le?" A tih veleh, "Kei man kei man," an ti leh si a ni. An ei a phal ta miah lo mai le. Chutiang deuh chu a ni.

Tho la ding ta che, i hliam a dam e. Tho la, ding ta chê, i puanven sâwi chhîng la, kal siam rawh le. Tlu palh mah lâ, thawhle nachâng hria ang che. I tlu hlen reng dawn em nî? Pâwl thianghlim leh belhtlâk, mi tin huapzo, he pâwl thianghlim hi "kâwra" hmanga thil tha lo tih nâna hmanga, thuneihna hman sual hi a pawh a niâ.

"Âw tlâwmngaihna hlû,aw nunna pâr,
Kan tlâng ram nuam hmun sângah hian;
Kum sâng tam tak pawh ral mah sê,
Zamual liam lovin ding reng rawh."



ADVERTISEMENT

KC TUI

Tui thianghlim tak PHE a quality test thlap, PickUp-in 2,000 litre kan pe thei reng e. Ramhlun North veng chung tan discount kan

pe e. Ph: 7005010327 / 9774223462 (10-8)

St. STEPHEN'S SCHOOL

RAMHLUN 'N, AIZAWL (3-3)

ADMISSIONS H/S & HSS (Arts & Sc)

*Zirtirtu tha tak te enkawlina hmun

*Zirlaibu piah Nunphung leh Hmathlir zirtirna

*Thiamna a taka hman tangkai zirtirna hmun

Follow us @ Instagram & Youtube

RESULTS : HSS(Arts) 100% Passed (2017 to 2025)
Free Admission Cl-IX : 9774632726 / 9436353625

ST. ANTHONY'S HIGHER SECONDARY SCHOOL

CHALTLANG LILY VENG, AIZAWL (7-7)

Kum 2026-2027 session atan Class-XI to Class-XII Arts admission kan hawng leh ta e.

1. Kan zirlaite hi Pathian thu nen Discipline tha tak hnuai enkawl an ni. HSLC/HSSLC exam ah Top-4, Top-6, Top-7, Top-9 leh Subject topper te kan nei tawh.


2. HSLC/HSSLC exam-ah result tha tak kan nei thîn.

3. Board Exam-a kan zirlai Top Tenner-te ₹ 1,00,000/- leh Subject topper-te ₹ 30,000/- pek thîn a ni.

4. Kumtin Study Tour neih thîn a ni. Kumin hian Kolkata, Delhi, Chennai kal tum a ni. Hostel nuam leh changlung tak a awm bawh e. Ph: 9612131959/9862732487/8575827857

ROSEBUD SCHOOL: RAMHLUN VENGLAI (2-2)

Rosebud School, RamhlunVenglai chuan Class XI & XII tan Arts leh Science stream kan hawng leh dawn ta a. Zirtirtu experience nei tha tak te enkawlina hnuai NEP 2020 zulzui a Co-curricular activities hrang hrang kalpui thîn a ni.



Class XII (ARTS& SCIENCE) Admission hi March ni 3, 2026 (Thawhlehi) aţanga hawn a ni ang. Hrechiang duhte tan a hnuai number-ah te hian zawh fhiah theih a ni e. 9436151251 / 7005722540 / 8014158963

Holy Child School

RAMHLUN NORTH

OPEN ADMISSION FOR 2026-2027

• Kum 2026-2027 session atan Holy Child School chuan Nursery to Class-X lut turte tan Admission a hawng leh ta e. Lo ngaihven ve rawh le...

• Hmangaihna leh hriatthiamna thuk tak nen a naupang te hmasawn ngei tur a enkawlina hmun a ni e.

• Hre chiang duh tan a hnuai a phone number tarlan ah hian a zawh fhiah theih reng e.

+91 94361 54080

holychildschool143@gmail.com



BEHLIANG CHIN I UAR ANG U

- Sawrkar laipui ruahmanna angin behliang dal hi NAFED & NCCF -in Mizoram-ah Agriculture & Farmers Welfare Department kaltlangin kg khat cheng 80 in (behliang mu chang/ behliang dal) a lei dawn.
- Behliang hi a hring chauh ni lovin, a mu tih ro hi dal angin a ei theih.
- Kan ei thin Dal/Dailuah ai hian man to leh tha zawk a ni a, vai-ho pheih chuan an duh zawk a ni.
- Behliang hi thlai tuarchhel leh thlai kumhlun a ni a, kum 5 chung a rah a seng theih.
- A hnah a til zung zung a, huan-lo-ram lei a ti tha chak hle.
- Behliang hi Mizoram hmun hrang hrangah a tha duh em em a, buaipui manhla tak a ni.
- Hre chiang duh chuan District tina Agriculture Office-ah zawh fiah theih a ni.

Issued by:

**Department of Agriculture & Farmers'
Welfare, Mizoram, Aizawl.**

SAWHTHING KARA NIHAWI CHIN PAWLH

- Sum lak luh tih pun nan Sawhthing karah Nihawi ching rawh.
- September/October thla tirah Nihawi chu Sawhthing bi karah chin mai tur a ni.
- Sawhthing kara Nihawi chin hian Sawhthing tâm tur eng emaw chen a veng thei.
- Nihawi hlim hi Sawhthing-in a ngeih hle a, an zung thlak chin a in chen loh avangin lei tha mamawh lak luh kawngah an inti buai lo.
- Nihawi nena chin pawlh hian Sawhthing buk a ti rit.
- Nihawi hriak sawr hmang hian mahni tel hman tur kan intodelh thei.

Issued by:

**Department of Agriculture &
Farmers' Welfare, Mizoram, Aizawl.**